

IQRA'

Bil. 3/2022
MAC

eISBN : 2735-1920



**Majlis Tazkirah Bulan Mac 2022:
Topik Transgender**
PTAR Shah Alam - muka 4



**Majlis Jasamu Dikenang, Budi Disanjung:
Encik Wan Abdul Rahim Wan Omar**
PTAR Segamat - muka 17



**Taklimat Orientasi Perpustakaan & Lawatan
Berpandu Kepada Pelajar Baharu**
PTAR Dungun - muka 30




**Bengkel Pemantapan Pengurusan Pusat
Sumber Kolej Komuniti Tapah, PTAR Tapah**
PTAR Tapah - muka 51



**LIVE@PTAR Bicara Bersama Pakar Mata:
Glaukoma: Pencuri Senyap Penglihatan**
PTAR Hospital UiTM - muka 54

PROMOSI@PTAR



MAJLIS TAZKIRAH BULAN MAC TAHUN 2022: TOPIK TRANSGENDER 4 MAC 2022

Disediakan oleh: Asmah Sabtu



Mendepani cabaran semasa dengan ilmu yang sedikit adalah sukar. Tambahan pula dengan ketiadaan maklumat tentang punca dan penyelesaian terbaik bagi mendepani isu semasa akan menambahkan beban cabaran di kalangan umat Islam hari ini.

Pemilihan topik transgender sebagai topik tazkirah bulan Mac tahun 2022 adalah bertepatan sementelah negara disajikan dengan isu ini sejak tahun 2019. Ikon transgender seperti Sajat dan Lucinta Luna (sekadar menamakan) menambah kebimbangan masyarakat samada perlu dibantu atau dipinggirkan sahaja golongan ini.

Perkongsian ilmu transgender daripada sudut agama dan ditambah dengan pengalaman luas penceramah Ustazah Norfaizah Yahya telah menjadikan sesi tazkirah kali ini berbeza daripada sebelumnya. Ustazah Norfaizah telah menghuraikan permulaan isu transgender iaitu bermula dengan kaum Nabi Luth apabila perlakuan homoseksual berlaku dengan meluasnya. Ustazah Norfaizah turut menyorot kembali pengalaman beliau bertugas bersama golongan transgender telah mengundang tawa penonton.

Program tazkirah yang berlangsung selama satu jam menerusi atas talian turut berkongsi ilmu mengenai status golongan transgender di Malaysia, apakah hak yang sedang diperjuangkan dan kaedah pengendalian jenazah golongan ini. Sebelum program berakhir, dua soalan dikemukakan oleh penonton berkenaan kaedah terbaik berhadapan golongan transgender dan batasan aurat golongan ini.

Sejumlah 95 orang penonton telah menyertai program tazkirah ini yang telah dianjurkan oleh Jawatankuasa Kecil Tazkirah PTAR. Program ini telah dihadiri oleh ketua-ketua jabatan, pengerusi jawatankuasa tazkirah Encik Asraf Zamani bin Hazim, staf profesional dan staf sokongan. Puan Asmah Sabtu telah bertindak selaku pengacara program kali ini.

